



Guiami

0802-0802

Punto di konseho i notifikashon
violensia doméstiko i maltrato di mucha

FOYETO DI INFORMASHON

Guiami ta e punto di konseho i notifikashon violensia doméstiko i maltrato di mucha, e ta pa tur hende. Pa mucha, hóben, adulto i nos grandinan. E kolaboradónan di Guiami ta profeshonalnan entrená. Nan ta duna konseho i ta ofresé sosten na tur forma di violensia doméstiko i maltrato di mucha tantu na víktima, agresor, miembro di famia, persona den banda komo profeshonal.

Depende di e denunsia ta sigui konseho, ayudo òf sosten. Tin bia ta realisá esaki den koperashon ku diferente organisashon di ayudo riba e isla. Di e forma akí ta ofresé ayudo.

Kon mi por haña kontakto i kiko ta pasa eksaktamente?

Bo por yama, manda un Whatsapp òf pasa pa un sita. Un kolaboradó di Guiami lo skuchá bo i hasi bo pregunta pa asina saka afó ki sorto di konseho òf yudansa ta nesesario. Dependé bo situashon ta posibel ku kolaboradó di Guiami lo por bai ofer pa yudansa inmediato, por ehèmpel na momento ku un situashon ta hopi menasante. Pero tambe ta posibel ku mester diferente kombersashon pa huntu yega na un guia korekto.

'Mi tin asina miedu! Mi no sa mas kiko pa hasi? Si nan mester bisa mi ku mi tin ku bai mesora for di mi kasá awó? Na unda mi tin ku bai e ora ei i kon mi por mantené mi yu i mi mes? Mi no por hasi e kos ei? No mi so, i aworakí nò.'

No duda pa tuma kontakto ku e hendenan di Guiami. Tin ousiliante eksperensia i spesialisá ku ta komprondé bo situashon tambe. Si bo buska kontakto, esaki no ta nifiká otomatikamente ku bo mester bai for di bo famia òf bo kas. Huntu ku bo nos ta wak kiko ta adekuá.

Kiko ta kai bou di violensia doméstiko?

Un persona den esfera familiar di e víktima ta kometé violensia doméstiko, manera partner, èks partner, miembro di famia na kas, miembro di famia i amigu di kas. E violensia no nesesariamente mester sosodé den kas. Si un persona keda maltratá riba kaya pa por ehèmpel un èks partner, òf si tin asuntu di 'stalking', esei tambe ta kai bou di e denominashon violensia doméstiko.

Banda di violensia di partner, maltrato di mucha, maltrato di grandi i violensia relashoná ku honor tambe ta kai bou di violensia doméstiko. Hende muhé ta e grupo mas grandi di víktima. Pero hende hòmber, mucha i grandinan tambe por ta víktima di violensia doméstiko.

Kiko ta kai bou maltrato di mucha?

Maltrato di mucha ta tur forma di maltrato ku pa un mucha ta menasante òf violento. Pues no solamente violencia físiko, pero tambe por ehèmpel maltrato emoshonal òf negligensia ta kai bou di esaki.

Na e manera ku e hèki ta habri mi sa suficiente. Mi yu hòmber tambe ta sintié. E ta kore bin serka mi, subi riba mi skochi i e ta duna mi un brasa fuerte. Mi ta sinti kon su kurason ta bati duru den su t-shirt. Mi ta hala rosea profundo i mi ta lanta para ku mi yu hòmber duru tené den mi brasanan. Mi ta purba di keda mas trankil posibel. 'Hey, unda bo ta?!' anto nos wowonan ta topa otro. Mi ta paralisá dor di lokual ku mi ta mira den nan.

Kon bo ta rekonosé señalnan di violencia doméstiko i maltrato di mucha?

Esaki no ta tur ora ta fásil pa rekonosé. E kousanan por ta distinto meskos ku forma i grado di violencia. Violensia físiko ta mas fásil pa rekonosé ku maltrato emoshonal, òf violencia verbal. Banda di esaki violencia doméstiko ta mas ku solamente dalmentu, pero deskuido tambe ta kai bou di violencia doméstiko.

Ehèmpel di violencia:

- Dal, skòp i otro forma físiko di violencia.
- Violensia seksual: mishí òf tene relashon kontra bo boluntad òf chantagiá via sosial media.
- Violensia síkiko: zundra, humiá, menasa ku violencia, kibra bo kos nan, ora bo no mag disidí nada bo mes, ora bo ta keda tende kos malu over di bo mes, ora nan pone bo tin miedu.
- Matrimonio forsá: ora bo mester kasa kontra di bo boluntad, òf ora bo no mag divorsíá.
- Maltrato di ansiano: maramentu, dalmentu òf negligensia di un ansiano, kita sèn òf pertenensia for di dje.
- Negligensia: ora un yu no ta haña lokual ku e mester, por ehèmpel kuminda, paña òf atenshon kariñoso.

Tin un mener di edat sintá mi dilanti. Su kurpa flaku no por stòp di tembla. 'Kontá ku bo?' Mi ta kuminsá e kombersashon. 'Mi ta bon, mi ta biba serka mi yu muhé aworakí, bo sa esei tòg'? Mi ta knek i mi ta rekordá kon e mener aki tabata ántes. Bo ta kome su-fisiente si i mi tin mag di puntra ken ta atendé ku bo sèn? E máskara ta kai. Entretanto nos konosé otro asina bon pa bira rondó di e kos. Su kurpa frágil ta sakudí di fèdrít. Su loyalidat na su famia ta bunita pero ta hasi dòlò tambe. 'Mi a pèrdè asina tantu ser kerí'. 'Mi no ke pèrdè e tambe. E no kemèn e malu ku mi, di bèrdat no'. Mi ta kue su mannan blou di ardu den mi mannan i ta keinta nan. 'Huntu nos ta sali afó, no wòri masha'.

Guiami ta alkansabel 24/7

Yama gráti 0802 0802 òf yama [+599] 777 2263. Manda Whatsapp tambe por.

Bo por manda email pa guiami@bonairegov.com.

Mas informashon bo por akudí riba e wèpsait www.meldpuntguiami.com.

Bèrgwensa

Hopi biaha nos ta tende ku hende tin difikultat pa pone e promé paso. Violensia doméstiko ta sosodé den tur segmento i grupo di e poblashon rònt mundu. Kemèn bo no ta e úniko. Bo no mester tin bèrgwensa. Solamente abo por kibra e sírkulo. E kolaboradornan di Guiami tei p'abo. Tuma kontakto.

